

義趙宗敬等啓曰臺諫所誤之事多矣不可在職請辭憲府別啓曰
近侍之臣掩罪匿過構飾虛辭欺誑宸聽者此乃前承旨許寬等事司
中論執不竟卷舌云者專指此事尤不可在職也傳曰勿辭孝義宗敬
等累辭不允○成均館同知事曹繼商尹倬啓曰弘文館上疏以為黷
舍寂然博士罕仕講席虛設臣受學校之任不能盡其職任故物論如
是在職未安請辭答以勿辭史臣曰倬頗精經學自典籍至大司成幾
二十餘年長在學官以教誨為已任稍有成效云傳于政院曰學校風
化之源師儒所當擇差而今同知等以上疏之語辭避不可以此適也
然弘文館以為黷舍寂然博士罕仕講席虛設而予若以例事聞之則
是無重學校之意成均館同知以下並令推之○四更乾方有氣如火
○吏曹啓曰專治術數之人諂附權奸之老此必指司成金垈直講姜
胤而言之也金垈為陰陽之事姜胤自儒生時交結任士洪此二人請
改正傳曰依啓○以尹殷輔為兵曹判書○丁巳大司諫南孝義執義
趙宗敬等累辭不允○御文講上願謂侍讀官金致雲等曰近日臺
諫以弘文館上疏累日辭之以以疏意逼於臺諫也弘文館若實攻擊則
固當辭之不然則不必強辭致雲曰上謂日早至於近侍之臣亦有不宜